

stav (1) tačka e) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), člana 4. Odluke o određivanju iznosa sredstava u budžetu Općine Novo Sarajevo za oblast sporta i za oblast kulturno-sportskih manifestacija ("Službene novine Kantona Sarajevo", broj 46/22), općinska načelnica donosi

**PRAVILNIK  
O USLOVIMA I NAČINU DODJELE SREDSTAVA IZ  
BUDŽETA OPĆINE NOVO SARAJEVO ZA OBLAST  
SPORTA**

Član 1.  
(Predmet)

Ovim Pravilnikom uređuju se uslovi i način dodjele sredstava iz Budžeta Općine Novo Sarajevo za oblast sporta, a u skladu sa članom 1. Odluke o određivanju iznosa sredstava u budžetu Općine Novo Sarajevo za oblast sporta i za oblast kulturno-sportskih manifestacija.

Član 2.  
(Definicije)

Oblast sporta u smislu ovog Pravilnika podrazumijeva pružanje podrške pravnim licima iz oblasti sporta u svim sportskim disciplinama, sa ciljem popularizacije sporta i razvijanja zdravih stilova života među mladima, aktivnog uključivanja građana u bavljenje sportom i postizanja što boljih sportskih rezultata.

Član 3.  
(Finansijska sredstva za oblast sporta)

Sredstva za finansijsku podršku za oblast sporta osiguravaju se u Budžetu Općine Novo Sarajevo u skladu sa Odlukom o određivanju iznosa sredstava u budžetu Općine Novo Sarajevo za oblast sporta i za oblast kulturno-sportskih manifestacija i realizuju se pod uslovima i na način propisan ovim Pravilnikom, ali i Odlukom o načinu odabira i praćenju realizacije projekata nevladinih/neprofitnih organizacija po LOD metodologiji ("Službene novine Kantona Sarajevo", broj 49/15 i 6/20), te posebnim pravilnicima općinske načelnice kojima se regulišu uslovi i način dodjele sredstava u oblasti: afirmacije vrhunskog sporta, afirmacije omladinskog i amaterskog sporta, pružanja podrške projektima, programima, manifestacijama udruženja i ustanova, sufinansiranja članarine sportskih klubova sa područja općine Novo Sarajevo, kao i putem sporazuma sa JP "ONSA" d.o.o. Sarajevo i JU Međunarodni centar za djecu i omladinu Novo Sarajevo, realizacijom općinskih manifestacija, školskih sportskih takmičenja, kao i putem svih drugih budžetskih pozicija planiranih u Budžetu Općine Novo Sarajevo za oblast sporta i za oblast kulturno-sportskih manifestacija.

Član 4.  
(Vrste troškova koji se finansiraju)

Dodijeljena sredstva koristit će se za sufinansiranje aktivnosti sportskih udruženja i to:

- a) troškovi pripreme za takmičenja (trening),
- b) troškovi učešća na takmičenjima (putovanje, smještaj, kotizacija),
- c) troškovi lica koja obučavaju (pripremaju) sportiste,
- d) troškovi sudaca i službenih osoba,
- e) troškovi nabavke opreme,
- f) troškovi članarina strukovnog saveza,
- g) troškovi amortizacija i ostali materijalni troškovi,
- h) troškovi rada klubova u redovnom sistemu takmičenja.

Član 5.  
(Korisnici sredstava)

- (1) Korisnici finansijske podrške za oblast sporta mogu biti:
  - a) sportski klubovi sa područja Općine Novo Sarajevo, koji se takmiče na međunarodnom, državnom ili entitetskom nivou,

- b) reprezentativne i olimpijske selekcije/takmičari Bosne i Hercegovine koje se takmiče na međunarodnom nivou, a imaju sjedište na Kantonu Sarajevo.

Član 6.

(Uslovi za dodjelu sredstava)

- (1) Uslovi koje korisnici iz člana 5. stav (1) tačka a) ovog Pravilnika, trebaju ispuniti, su sljedeći:
  - a) da su registrovani u Bosni i Hercegovini,
  - b) da imaju sjedište na području općine Novo Sarajevo,
  - c) da su se takmičili minimalno tri posljednje takmičarske sezone, odnosno dvije kalendarske godine na međunarodnom ili državnom,
  - d) da posjeduju potvrdu nadležnog Saveza za navedeno pod tačkom c).
- (2) Uslovi koje korisnici iz člana 5. stav (1) tačka b) ovog Pravilnika, trebaju ispuniti, su sljedeći:
  - a) da imaju status reprezentativne/olimpijske selekcije/takmičara Bosne i Hercegovine,
  - b) da se takmiče na međunarodnom nivou,
  - c) da imaju sjedište na Kantonu Sarajevo.
- (3) Pravo na dodjelu sredstava ostvaruju samo ona pravna lica iz oblasti sporta, koja su opravdala dodijeljena budžetska sredstva od strane Općine Novo Sarajevo u prethodnoj godini i koja uredno izmiruju obaveze prema pravnim licima čiji je osnivač Općina Novo Sarajevo.

Član 7.

(Iznos sredstava koji može biti dodijeljen i kriteriji za raspodjelu sredstava)

- (1) Maksimalan iznos sredstava koji jedan korisnik može dobiti iznosi 25.000,00 KM.
- (2) Planirana sredstva u budžetu se raspoređuju na sljedeći način:
  - a) Sredstva u iznosu do 25.000,00 KM mogu ostvariti korisnici:
    - čija je registrovana aktivnost olimpijski sport,
    - ukoliko za konkretnu oblast sporta postoji jedinstveni strukovni savez na nivou države, koji se takmiče u liga sistemu takmičenja (ekipni sport),
    - koji se takmiče u prvom, drugom i/ili trećem stepenu takmičenja (pojedinačni sport),
    - koji imaju organizovan rad sa mladim kategorijama uključenim u sistem takmičenja u najmanje dva starosna uzrasta,
    - koji imaju minimum 50 registrovanih sportista.
  - b) Sredstva u iznosu do 15.000,00 KM mogu ostvariti korisnici:
    - koji na području države aktivno okupljaju najmanje 15 klubova,
    - koji djeluju u grani sporta u kojoj je takmičenje organizovano u najmanje dva stepena,
    - čija kategorija sporta pripada bazičnim sportovima (atletika, gimnastika, plivanje),
    - koji imaju minimum 40 registrovanih sportista.
  - c) Sredstva u iznosu do 10.000,00 KM mogu ostvariti korisnici:
    - iz oblasti takmičarskog sporta u seniorskoj konkurenciji, koji su članice Sportskog saveza.
  - d) Sredstva u iznosu do 5.000,00 KM mogu ostvariti korisnici:
    - klubovi koji nisu svrstani u prvu, drugu i treću kategoriju, kao npr. sportske organizacije, druga udruženja građana, rekreativci u oblasti sporta, društva pedagoga tjelesnog odgoja, udruženja trenera, sudaca i slično.

## Član 8.

(Javni poziv za oblast sporta)

- (1) Postupak dodjele sredstava provodi se putem javnog poziva, koji raspisuje općinska načelnica, a koji se objavljuje na službenoj web stranici Općine Novo Sarajevo i ostaje otvoren 30 dana od dana objave.
- (2) Javni poziv obavezno sadrži:
  - a) predmet,
  - b) maksimalnu visinu sredstva koju jedan korisnik može ostvariti,
  - c) potrebna dokumentacija,
  - d) način prijave na javni poziv,
  - e) način odabira korisnika,
  - f) obavještanje prijavljenih korisnika.

## Član 9.

(Potrebna dokumentacija za prijavu na javni poziv)

- (1) Prijava na javni poziv obavezno se podnosi u pisanoj formi, putem protokola Općine Novo Sarajevo i sadrži:
  - a) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci,
  - b) uvjerenje o poreznoj registraciji podnosioca projekta (identifikacijski broj),
  - c) uvjerenje o poreznoj registraciji indirektnih poreza (ukoliko je korisnik u sistemu PDV-a),
  - d) uvjerenje o izmirenim poreskim obavezama, ne starije od tri mjeseca od dana objave javnog poziva,
  - e) projektni prijedlog koji sadrži aktivnosti usmjerene na popularizaciju sporta i razvijanja zdravih stilova života među mladima, aktivnog uključivanja građana u bavljenje sportom i postizanja što boljih rezultata, sa naznakom potrebnih finansijskih sredstava (sa detaljnom specifikacijom troškova) u skladu sa članom 4. Pravilnika.
  - f) potvrda poslovne banke da račun nije blokiran iz koje se vidi broj transakcijskog računa - ne starija od tri mjeseca od dana objave javnog poziva,
  - g) potvrda nadležnog saveza o takmičenjima na međunarodnom ili državnom nivou u tri posljednje takmičarske sezone, odnosno dvije kalendarske godine, odnosno potvrda nadležnog saveza o takmičenjima na međunarodnom nivou za reprezentativne/olimpijske selekcije/takmičare Bosne i Hercegovine,
  - h) Dokaz o statusu reprezentativne/olimpijske selekcije Bosne i Hercegovine,
  - i) dokaz o realiziranim projektima (štampani dokazi o vidljivosti projekta mrežne stranice, medijski natpisi, društvene platforme, tv priloge ili potvrde prethodnih sufinansijera/donatora),
  - j) izjava kluba da je aktivnost olimpijski sport, ovjerena kod nadležnog organa,
  - k) potvrda saveza da postoji jedinstveni strukovni savez u datom sportu na nivou države,
  - l) potvrda nadležnog saveza da se sportski kolektiv takmiči u liga sistemu takmičenja (ekipni sport),
  - m) potvrda saveza da klub takmiči u prvom, drugom i/ili trećem stepenu takmičenja (pojedinačni sport),
  - n) potvrda saveza da je organiziran rad sa mladim kategorijama uključenim u sistem takmičenja u najmanje dva starosna uzrasta,
  - o) izjava o broju registrovanih sportaša, ovjerena od strane korisnika,
  - p) potvrda saveza da na području države aktivno radi najmanje 15 klubova,
  - q) potvrda saveza o organizovanom takmičenju u najmanje dva stepena,

- r) potvrda Saveza da se korisnik takmiči u seniorskoj konkurenciji i da nije član sportskog saveza.
- (2) Dokumentacija iz stava (1) podnosi se u originalu ili ovjerenoj kopiji na starijoj od 6 mjeseci.
- (3) Provjera ispunjavanja uslova iz člana 6. stav (3) ovog Pravilnika izvršit će se službenim putem.

## Član 10.

(Komisija za odabir korisnika i postupak odabira korisnika)

- (1) Komisiju za odabir korisnika, imenuje općinski načelnica, na prijedlog nadležne Službe (u daljem tekstu Komisija).
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za obrazovanje, kulturu i sport, pruža svu neophodnu administrativno - tehničku podršku radu Komisije.
- (4) Komisija je zadužena da zaprimi i pregleda sve prijave, utvrdi ispunjenost propisanih uslova i predloži iznose sredstava koji se dodjeljuju korisnicima koji su ispunili sve uslove.
- (5) Prijave kandidata koje ne ispunjavaju sve formalne uslove iz javnog poziva neće biti uzete u razmatranje i neće biti finansirane.
- (6) Sredstva se neće odobriti podnosiocu zahtjeva koji je u istoj kalendarskoj godini dobio određena sredstva po drugoj budžetskoj poziciji, po drugom osnovu.
- (7) Komisija obavještava kandidate koji nisu ispunili uslove javnog poziva o razlozima nerazmatranje njihove prijave. Na ovu obavijest Komisije moguće je uložiti prigovor općinskoj načelnici u roku od 5 (pet) dana od dana prijema obavijesti.
- (8) Prijedlog za finansiranje koji je utvrdila Komisija, Komisija dostavlja svim podnosiocima prijave, uz mogućnost ulaganja prigovora općinskoj načelnici, u roku od 5 (pet) dana, od dana zaprimanja obavijesti.
- (9) Po konačnosti prijedloga za finansiranje općinska načelnica donosi zaključak o odobravanju isplate sredstava.

## IV - OBAVEZE KORISNIKA SREDSTAVA

## Član 11.

(Pravdanje utroška dodijeljenih sredstava)

- (1) Sa korisnicima sredstava kojima su dodijeljena sredstva iz člana 4. sklopit će se ugovor o namjenskom utrošku sredstava i isti su dužni u roku od 30 dana od okončanja aktivnosti, a ne kasnije od 15. decembra tekuće godine dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Prihvataju se samo oni troškovi koji su nastali nakon potpisivanja ugovora.
- (2) Korisnik sredstava koji ne opravda dodijeljena sredstva, obavezan je ista vratiti i nema pravo ponovnog apliciranja na javni poziv naredne godine.

## Član 12.

(Stupanje na snagu)

- (1) Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".
- (2) Stupanjem na snagu ovog Pravilnika prestaje da važi Pravilnik o uslovima i načinu dodjele sredstava iz budžeta Općine Novo Sarajevo za oblast sporta ("Službene novine Kantona Sarajevo", broj 14/24).

Broj 16-11-3-1539/25

14. februara 2025. godine  
SarajevoOpćinska načelnica  
Prof. dr. **Benjamina Karić**, s. r.

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 50. stav (1) tačka e), člana 146. stav (1) i stav (2) Statuta Općine Novo Sarajevo - Prečišćeni tekst ("Službene novine Kantona Sarajevo",

broj 5/20 - Prečišćeni tekst i 20/20 - Ispravka) i člana 16. stav (2) tačka s) Odluke o izvršavanju Budžeta Općine Novo Sarajevo za 2025. godinu "Službene novine Kantona Sarajevo", broj 6/25), općinska načelnica donosi

### PRAVILNIK

## O FINANSIRANJU/SUFINANSIRANJU TROŠKOVA ODLASKA NA EKSKURZIJU UČENIKA SLABIJEG IMOVINSKOG STANJA DEVETIH RAZREDA OSNOVNIH ŠKOLA SA PODRUČJA OPĆINE NOVO SARAJEVO

### I - OSNOVNE ODREDBE

#### Član 1. (Predmet)

Ovim Pravilnikom uređuju se uslovi, kriteriji i načini finansiranja/sufinansiranja troškova odlaska na ekskurziju učenika slabijeg imovinskog stanja devetih razreda redovnih osnovnih škola kao javnih ustanova sa područja Općine Novo Sarajevo (u daljem tekstu: osnovne škole), a u cilju obezbjeđenja odgojno-obrazovne aktivnosti, socijalizacije, tjelesne aktivnosti, zdravog načina života i dostupnosti maturaške ekskurzije za učenike slabijeg imovinskog stanja.

#### Član 2. (Definicije)

- (1) Ekskurzija predstavlja oblik odgojno-obrazovnog rada koji se ostvaruje kroz višednevna putovanja i boravak učenika osnovne u pratnji zaposlenika škole, koje organizuje i realizuje škola u saradnji sa turističkom agencijom i koja kao takva obavezno uključuje "turistički paket/aranžman", i to radi posjete prirodnim, obrazovnim, kulturnim, sportskim, turističkim i tehničkim odredištima izvan sjedišta škole u skladu sa odgojno-obrazovnim zadacima, a u skladu sa Pravilnikom nadležnog ministarstva. Ekskurzija je oblik odgojno-obrazovnog rada koji se realizira izvan školskih prostora radi neposrednog proučavanja onih nastavnih sadržaja koji se ne mogu demonstrirati i uspješno tumačiti u učionici.
- (2) Troškovi odlaska na ekskurziju predstavljaju novčani iznos koji učenici devetih razreda osnovnih škola, odnosno njihovi roditelji/staratelji/zakonski zastupnici plaćaju turističkoj agenciji za odlazak na ekskurziju.

### II - OSTVARIVANJE PRAVA I USLOVI

#### Član 3. (Korisnici sredstava i uslovi)

Pravo na dodjelu sredstva iz člana 1. ovog Pravilnika mogu ostvariti učenici osmog (VIII), odnosno devetog (IX) razreda redovne osnovne škole koja se nalazi na području Općine Novo Sarajevo, sa prebivalištem na području općine Novo Sarajevo, a koji odlaze na maturašku ekskurziju pod uslovom da pripadaju jednoj od sljedećih kategorija:

- a) socijalno ugrožene porodice;
- b) učenik čiji roditelj je korisnik lične invalidnine (RVI) ili je demobilisani borac, a čije dijete koristi pravo na dječiji dodatak;
- c) učenik s teškoćama koji je integriran u redovna razredna odjeljenja u osnovnim školama;
- d) učenik u čijoj porodici ima troje i više djece do osamnaest godina;
- e) učenik čija su oba roditelja nezaposlena;
- f) učenik bez jednog roditelja.

### III - POSTUPAK, NAČIN DODJELE I IZNOS SREDSTAVA

#### Član 4. (Postupak dodjele sredstava)

- (1) Sredstva za finansiranje/sufinansiranje troškova odlaska na ekskurziju učenika slabijeg imovinskog stanja dodjeljuju se putem javnog poziva i podnesenih prijava po istom.

- (2) Prijave iz stava (1) ovog člana podnose roditelji/staratelji/zakonski zastupnici.
- (3) Javni poziv se objavljuje na web stranici Općine, i ostaje otvoren do utroška planiranih sredstva za ovu namjenu, a najkasnije do 31.10. tekuće godine.

#### Član 5.

(Potrebna dokumentacija)

Uz prijavu iz člana 4. stav (2) ovog Pravilnika, podnosilac prijave je dužan priložiti sljedeću dokumentaciju ne stariju od 6 mjeseci, u originalu ili ovjerenoj kopiji:

- a) uvjerenje (ne starije od mjesec dana) da je dijete redovan učenik osmog (VIII), odnosno devetog (IX) razreda redovne osnovne škole koja se nalazi na području općine Novo Sarajevo;
- b) prijava prebivališta - CIPS;
- c) za učenike iz socijalno ugroženih porodica - uvjerenje JU Centar za socijalni rad Kantona Sarajevo da se nalazi u evidenciji korisnika socijalne pomoći;
- d) za učenike čiji roditelj je korisnik lične invalidnine (RVI) ili je demobilisani borac, a čije dijete koristi pravo na dječiji dodatak - uvjerenje da ostvaruje pravo na ličnu invalidninu ili uvjerenje da je demobilisani borac i uvjerenje da se nalazi u evidenciji aktivnih korisnika dječijeg dodatka;
- e) za učenike sa teškoćama u razvoju koji su integrirani u redovna razredna odjeljenja u osnovnim školama – ljekarsko uvjerenje ili medicinski nalaz;
- f) za učenike koji dolaze iz porodica sa troje i više djece – ovjerena kućna lista, koja sadrži podatke o članovima domaćinstva (ime i prezime, datum rođenja);
- g) za učenike čija su oba roditelja nezaposlena - uvjerenje Službe za zapošljavanje Kantona Sarajevo za oba roditelja da se nalaze na evidenciji nezaposlenih osoba;
- h) za učenike bez jednog roditelja – izvod iz matične knjige umrlih za umrlog roditelja;
- i) izjava da je roditelj/staratelj saglasan da se lični podaci djeteta obrađuju i koriste isključivo u svrhe obrade prijave na javni poziv, a u skladu sa važećim Zakonom o zaštiti ličnih podataka – izjava ovjerena pred općinskim organom uprave;
- j) Dokaz o troškovima odlaska na ekskurziju - predračun/priznanica/faktura/ugovor sa turističkom agencijom iz kojeg se vidi iznos cijene ekskurzije.

#### Član 6.

(Komisija za odabir korisnika i postupak odabira korisnika)

- (1) Komisiju za odabir korisnika (u daljem tekstu: Komisija), imenuje općinska načelnica.
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za obrazovanje, kulturu i sport, pruža svu neophodnu administrativno-tehničku podršku radu Komisije.
- (4) Prijave kandidata se razmatraju po redoslijedu prijema.
- (5) Komisija je zadužena da kontinuirano pregleda sve dostavljene prijave, utvrđuje ispunjenost propisanih uslova i predlaže iznose sredstava koji se dodjeljuju korisnicima koji su ispunili sve uslove.
- (6) Općinska načelnica, na prijedlog Komisije, donosi zaključak o odobravanju isplate sredstava.
- (7) Prijave kandidata koji ne ispunjavaju sve uslove iz javnog poziva neće biti uzete u razmatranje.
- (8) Komisija pismenim putem obavještava kandidate koji nisu ispunili uslove javnog poziva o razlozima nerazmatranje njihove prijave.